



Universitätsbibliothek Paderborn

**Responsiones Scriptæ A Philippo Melanthone Ad Impios
Articulos Bauaricæ Inquisitionis**

Melanchthon, Philipp

Vvitebergæ

VD16 M 4171

VI. An credant Catholicam Ecclesiam apud h An osesse, qui nunc
aduersantur Romanæ Ecclesiæ, & Episcopis, qui ut præsunt ordinaria
successione: An uerò apud illos Christianos, qui nominantur Catholici, ...

urn:nbn:de:hbz:466:1-36288

est dissimilitudo in ritibus humanis. Quare adfirmamus, nos nec discedere nec discessisse à Catholica Ecclesia, quæ Symbola amplexa est, Apostolicum, Nicenum & Athanasianum, Nec à Patribus, Ireneo, Ambroso, Augustino, Prospéro & similibus, etiamsi qui ritus humani tunc alij fuerunt. Semper enim aliqua dissimilitudo rituum humanorum fuit, Sed à Pontificijs ut discederemus, necessaria causa est, quia scriptum est: Fugite Idola. Item: Si quis aliud Euangelium docet, Anathema sit. Item: Blasphemia Spiritus non remittetur.

VI.

An credant Catholicam Ecclesiam apud hos esse, qui nunc aduersantur Romanæ Ecclesiæ, & Episcopis, qui præsunt ordinaria successione: An vero apud illos Christianos, qui nominantur Catholicæ, & retinent unitatem Ecclesiæ, obedientes vni Romano Pontifici.

REpondeo perspicue, Ecclesiæ nostram confessionem amplectentes uerissimè esse membra Catholicæ Ecclesiæ Dei, & hoc tempore ueram Dei Ecclesiam, iuxta dictum: Oves meæ uocem

uocem meam audiunt. Et in his nostris cœtibus ue-
rè sunt electi multi, iuxta dictum: Quos elegit, hos
et uocauit. Et multorum confessio in supplicijs
ostendit præsentiam Spiritus sancti. Ac doctrinam
nostrarum Ecclesiarum congruere cum ueteris et
prioris Ecclesiæ sententia, fateri necesse est eos,
qui dextrè iudicant. Nec ideo nostræ Ecclesiæ non
sunt membra Catholicæ Ecclesiæ Dei, quia in ali-
quibus est infirmitas et ignorantia aliqua, qui ta-
men retinent fundamentum, et sunt dociles, nec
oppugnant agnitam ueritatem, quia de infirmis
scriptum est: Infirmos assumite. Item: Alius supra
fundamentum extruit stipulas.

De altera parte Articuli distinguo. Cer-
tissimum est defensores Idolorum et errorum pug-
nantium cum mandatis diuinis et Articulis Fidei,
præsertim patefacta ueritate, non esse membra Ca-
tholicæ Ecclesiæ Dei, ut apud Iudeos Blasphemii et
Parricidæ, qui aduersabantur Christo et Apostolis,
non erant membra Catholicæ Ecclesiæ Dei. Ta-
les nunc sunt Pontifices Romani et eorum satelli-
tes, qui agnitæ ueritati aduersantur, et sœuiciam
exercent in homines pios. Fuerunt autem ante hanc
lucem Euangelij multi sub eis, ut Bernhardus, Bo-
nauentura, et alij multi, qui et si habuerunt conta-
gia errorum, tamen de fundamento melius sense-
runt quam pleriq; alij. Taxarunt etiam crassos
erro-

errores. Hos confugientes ad misericordiam, & deplorantes ignorantiam suam, fuisse membra Catholicæ Ecclesiæ, non negamus, ut etiam sub impijs Pontificibus & Pharisæis scintilla ueræ doctrinæ in Nicodemo, Pharisæo & alijs multis similibus fuit, qui dociles erant, & ueritatem quærebant. Si qui nunc tales sunt exorta luce Euangelij, qui tam infirmi sunt, hos hortamur, ut discant doctrinam patefactam, & uincant infirmitatem suam, nec suo exemplo stabiliant Idolorum cultus & erores, iuxta dictum: Fugite Idola.

VII.

An credant, sancta oikoumènica Conclavia in causis Fidei, quorum sententiae postea ab uniuersa Ecclesia receptæ sunt, errasse? Et an liceat decreta eorum rursus in dubium vocare?

Respondeo de secunda parte.

Si quid ulla Synodus decreuit contra mandata diuina, seu contra articulos Fidei, necesse est illud decretum taxare. Ut cum proxima Tridentina